

Edizione diplomatica

 Image not found https://letteraturaeuropea.let.uniroma1.it/?q=sites/default/files/styles/330px/public/K%20%28%29_3.jpg&itd=4mauf9mY	Bernart de uentedorn. AB ioi mou lo uers el comenz. Et ab ioi re- man efenis. Esol que bona fos la fis. Bons cre quer lo come(n)same(n)z. Per la bona come(n)san- sa. Mi uen iois et alegransa. Eper so dei la bo- na fin grazir. Qar toz bons faiz uei lauzar al fenir.
	Si ma podera iois em uenz. Merauillas son car soffris. Qar no(n) chant eno(n) esbrois. Cella don sui gais eiauzenz. Mas greu ueires fina- mansa. Ses paor oses doptansa. Cades temo(m) uasso cama faillir. Per quieu no maus de p(re) iar enardir.
	Ben estai adomnardime(n)z. Entraol ien emal uezis. esarditz cors nola fortis. Greu pot esser pros ni ualenz. Per qui el prec naia menbra(n)s- sa. La bellen cui ai fiansa. Que nos camie per paraula nis uir. Que nemics car faz den ue- ia morir.
	Non es enois ni faillime(n)z. Ne uilania som- es uis. Mas dome quan si fai deuis. Dautrui amor ni conoissenz. enuios queus enansa. Car fag enueg ni pesansa. Chascus si uol de son mestier formir. Mi confondes euos non uei iauzir.
	Duna ren maonda mos senz. Qanc nuls hom mon ioi nom enquis. Queu uolu(n)tiers no len mentis. Qar no(m) par bos ensei(n)gnam(en)z. Anz es folli et enfansa. Qui damor abenan- ansa. Queu uol son cor adautre descobrir. Si no len pot o ualer o seruir.
	Ia sa bella boca rizenz. Non cugei baisan mi trais. Quar ab un douz baisar maucis. Si ab autre non ies guirenz. Catretals mes per semblansa. Com de pelaus sa lansa. Q(ue)

 Image not found https://letteraturaeuropea.let.uniroma1.it/?q=sites/default/files/styles/330_px/public/190534/190534_02.jpg?itok=Pr5yW1W2	de son colp no(n) podi hom guerrir. Si altra uez no(n) sen fezes ferir.
	Bella domna uostre cors genz. Euostre bel oill man co(n)quis. El douz esgarz elo clar uis. El uostre bos enseingname(n)z. Qe qan ben men pren ismansa. De beutat nos trob egansa. laienser es del mon al mieu arbir. Oeu no(n) uei dels oillz ab queus remir.
	Bels uezers senes doptanssa. Sai que uo- stres prez auanssa. Que tant sabez de pla- zer far edir. De uos amar nos pot nuillz ho(m) soffrir.

- letto 458 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2012>